

CONCURSO DE GUIÓNS

CONTRA A VIOLENCIA DE XÉNERO

**Conmemoración 25 novembro
“Día contra a violencia de xénero”**

Considérase necesario o apoio institucional para alcanzar a igualdade real de oportunidades entre mulleres e homes na sociedade, xa que é unha responsabilidade da cidadanía traballar conxuntamente para lograla, por iso e co gallo da conmemoración, un ano máis, do 25 de novembro “Día contra a violencia de xénero” a Deputación Provincial da Coruña convoca o concurso de guións contra a violencia de xénero co cal quere se xerar reflexión e conciencia na mocidade, xa que son un vehículo de transmisión e motor do cambio e do futuro.



**Deputación
DA CORUÑA**



**IGUALDADE DE XÉNERO
DEPUTACION DA CORUÑA**

BASES

Primeira

O obxecto do certame é elaborar un guiión de curtametraxe a través do cal se xere conciencia, sensibilización e prevención da violencia de xénero. Preténdese que a través da elaboración do guiión a poboación adolescente cree debate, mobilización, fomenta a súa creatividade mentres reflexionan sobre a importancia de combater a violencia de xénero. Así mesmo, o obxecto do concurso procura a participación da comunidade educativa como pilar necesario para guiar e orientar no proceso de creación.

O premio concederáse ao mellor guiión onde se combinen aptitudes artísticas e creativas do alumnado na creación dun guiión creativo, con impacto social, potencialidade e viabilidade audiovisual, que en tan só uns minutos pretenda concienciar a poboación en xeral dos motivos polos que debemos xuntar os nosos esforzos para combater a violencia de xénero e erradicar esta lacra social.

Paralelamente o concurso promove o traballo en equipo, así como a aprendizaxe do medio audiovisual.

Segunda

Poderán participar todas as persoas físicas con idades comprendidas entre 14 e 18 anos, de calquera nacionalidade, que se presenten individualmente ou preferentemente en grupo (máximo 6 participantes por grupo), supervisados por persoal docente do centro de estudos ao que se adscribe, pertencente á provincia da Coruña.

Terceira

Outorgarase un único premio ao guiión gañador que consistirá nun curso práctico de realización de curtas, no que se producirá o vídeo con base no guiión gañador que adaptaráse segundo as necesidades e onde as persoas participantes poderán ser partícipes e protagonistas en todo o proceso.

O xurado poderá facer unha mención honorífica a algún outro guiión pola súa calidade técnica e impacto social.

Posteriormente e para a participación da edición da produción e gravación audiovisual pedirase a autorización por escrito, tanto do centro educativo, como do/a titor/a legal das persoas participantes.

As persoas participantes recibirán unha copia da curta xa editada e poderán participar da súa presentación nos medios que se estimen oportunos.

A Deputación resérvase o dereito a facer uso dos guiións e da produción audiovisual, cedéndolle á autora ou autor os dereitos por tempo indefinido para que a Deputación poida empregalas para calquera campaña de sensibilización e información das actividades da Deputación da Coruña relacionadas co fomento da igualdade de xénero.

Cuarta

4.1 Prazo presentación: o prazo de admisión de guiións ábrese o día seguinte á publicación das presentes bases no BOP e péchase aos 30 días naturais.

4.2 Prazo de concesión: a concesión do premio decidirase antes do 31 de xaneiro de 2015, e darase a coñecer a través dos distintos medios de comunicación.

A entrega do premio celebrarase posteriormente nas dependencias da Deputación e avisaranse ás persoas gañadoras cunha semana de antelación.

Quinta

5.1 Formato: o guiión presentarase tendo en conta os seguintes criterios:

1. Identificarase cun título
2. Redactarase con formato courier 12, interliñado sinxelo, aliñado á esquerda con numeración de escenas e páxinas. Máximo 4 páxinas de guiión (previsto para unha produción aproximadamente de 3 ou 4 minutos).
3. Deberá conter, polo menos, as seguintes partes; encabezado de escena, descrición/acción, personaxe, diálogo (de ser o caso), anotación ou parénteses, transicións, e planos.
4. Presentarase en papel e en soporte dixital. O guiión impreso non poderá ir asinado co nome, a única referencia será o título.
5. O idioma empregado será o galego
6. Empregarase unha linguaxe con perspectiva de xénero.

Os textos empregados deberán respectar os principios da lexislación vixente en políticas de igualdade de xénero e prevención da violencia de xénero.

5.2 Forma de presentación: cada participante/s só poderá presentar un único guiión orixinal e inédito, non premiado con anterioridade.

O guiión entregarase en soporte papel e dixital nun sobre pechado, no exterior do sobre indícarase concurso de guiións contra a violencia de xénero 2014 e un título como identificador do guiión.

Dentro deste sobre irá:

1. O guiión en soporte papel e dixital (CD, DVD, pen drive, etc) identificado co título.
2. Un segundo sobre pechado co título do guiión no exterior, e no seu interior a folla de aceptación dos compromisos e autorización de datos de carácter persoal (anexo 1) cos datos requiridos.

As candidaturas presentarase no Rexistro Xeral da Deputación Provincial da Coruña, Avda. Alférez Provisional 2, 15006 A Coruña, ou consoante co indicado no art. 38.4 da Lei 30/1992, do 26 novembro, RXPAC, indicando no exterior do sobre: CONCURSO GUIÓN CONTRA A VIOLENCIA DE XÉNERO.

Sexta

O xurado estará presidido polo Sr. presidente da Deputación ou persoa na que delegue e formarán parte del a deputada da área de Benestar Social, Políticas de Igualdade de Xénero, e Normalización Lingüística, e persoal da área de servizos provinciais e dúas persoas de recoñecido prestixio no eido do deseño gráfico e produción audiovisual.

Actuará como secretario o da Corporación ou persoa funcionaria en quen se delegue. Esta será a persoa encargada de abrir o sobre dos traballos que resulten finalistas.

O xurado actuará en pleno, será necesaria a asistencia de dous terzos dos seus membros. As súas deliberacións serán secretas e delas redactarase a acta correspondente. O réxime xurídico e de funcionamento do xurado será o disposto nos artigos 22 a 27 da Lei 30/92 do 26 de novembro.

A Deputación resérvase o dereito de modificar as condicións en calquera momento, incluso pode chegar a anulalo ou deixalo sen efecto sempre que concorran causas xustificadas, en todo caso comprométese a comunicalo pola mesma vía.

Así mesmo, o xurado poderá declarar deserto o premio e a súa proposta será obxecto de resolución da Presidencia desta Deputación, que é o órgano competente para resolver o premio.

Sétima

Non se devolverán os traballos presentados e non premiados. A partir do día seguinte á concesión do xurado dos traballos premiados os outros poderán ser destruídos.

Octava

A participación nesta convocatoria supón a total aceptación destas bases.